

Ci'gyauzceh Bae Gizlawz Lo

轿车去哪了

环江思恩镇西南小学六年级 罗孟俊

Ngoenz singhgiz, gou cingq youq ndaw ranz yawj saw, sawqmwh dingqnyi sing hemq: "Siujcah, gou dwg mehguh mwngz, hai dou vei!" O, dwg mehguh ma lo, youh gojyij naengh ci bae youz lo. Gou angqfwngfwng diuq hwnjdaeu, daij gwnz laeuz buet roengzdaeu.

"Nget" sing ndeu, dou hai lo. Cijraen mehguh, augux riunyum-nyum ndwn youq baihnaj bakdou, ndaw fwngz riu miz daeh hung daeh iq. Gou bae got mehguh, hoeng lwgda cix yawj seiqhenz: Baenzlawz cijmiz cidienhdoengh ne, ci'gyauzceh augux bae gizlawz lohne? Gou gipmuengz cam: "Ci'gyauzceh sou ne? Dwg mbouj dwg deng caeg bae lo?" Mehguh yungh fwngz vixvix cidienhdoengh naeuz: "Gyaq neix mbouj dwg ci dou ha." Gaxgonq gyoengqde ma ranz, hai ci'gyauzceh daiq gou bae youz, gou naengh youq ndaw ci lumj mbin ityiengh, geijlai vifung ha! Hoeng baezneix cix hai!

Mehguh itmienh ndenq aen makbingzgoj hawj gou, itmienh naeuz: "Gwn makbingzgoj, gig ndei gwn bw!" Hoeng gou mbouj angq saek di naeuz: "Mbouj gwn! Mbouj gwn! Gou bae guh cozyez lo."



Mehguh ganjgip riengz gou byaij haeuz ndaw rug, najsap dwk naeuz: "Siujcah, ci mbouj deng caeg law, ci lij ndei ne. Dwg dou vihliux vanzbauj, mbouj siengj hai ci ma." Gou han naeuz: "Vanzbauj hix mbouj aenvih sou gyaq ci ndeu ma ranz baez ndeu couh deng yingjyangj ba! Mwngz dwg baux youq rog guhhong, augux youh dwg lauxbanj, gwih aen cidienhdoengh ma, geijlai saetnae ha!" "Siujcah, mwngz loek lo, seizneix gyoengqvunz gwndaen ndei lo, haujlai vunz cungj cawx ndaej ci lo, danghnaeuz baez bae gizlawz cungj hai ci bae, yaek yungh geijlai youz, baiz ok geijlai heiqu, mwngz rox lwi? Caiq gangj baux-baux cungj lumj mwngz baenzneix

siengj, vanzging raeuz yaek bienq ndaej baenzlawz yiengh ne? Nanz-dauh mwngz nyienh ngoenzngoeng cungj gwndaen youq ndaw heiqhaeu heiqu ha? Raeuz wnggai mbaet yungh nwnzyenz, baujhoh vanz-ging." Dingq mehguh gangj gij vah neix, gou fwt singj hwnjdaeu, ngaekngaek gyaueuz naeuz: "Mehguh, gou rox lo, raeuz cungj aeu baujhoh vanzging." Mehguh yawjyawj gou, riu lo.

Gyoengq doengzhag, raeuz aeu daij swheij guh hwnj, daij seizneix guh hwnj, caez daeuz gvnsim daswyenz, caez daeuz baujhoh vanz-ging, caez daeuz baujhoh mbanjranz gyaunde raeuz!

(指导老师:罗凤)



环江思恩镇西南小学四年级 罗雨萌

Ranz gou youq Mbanj Sihnanz, gyauejmbanj miz diuz dah iq ngutngeuj ndeu.

Seizcin, song henz dah gofaex mwncupcup, rumz ci daeuz, faex-liux lumj dahsien diuqfoux nei mbinfengfeng. Youq gwnz diegrum loegsausau hai miz gak cungj gak yiengh va' ndoi, miz saekhoengz,

saekhenj, saekhou..... daij giz gyaue muengh gvaqbae couh lumj fuk doz caijsaek ndeu, gyaunde dangqmaz!

Seizhah, gyoengq lwgnyez mbanj dou, caeuq bauxlaux itheij daengz ndaw dah iq bae, lumj duzbya nei angq youzraemx, hoenx ciengq-raemx. Miz mbanj bauxlaux youq henz dah cwxcaih dwk epya.

Seizcou, song henz dah mbawfaex cungj bienq henj lo, mbawfaex loeng roengz dah bae, mbawfaex youq gwnz dah menh-menh lae baenaj, seizneix dah iq couh lumj longz hwnj buh saekgim.

Seizdoeng, banngoengz ndit dak, gwnz dah fwi hwnj heiq haufwdfwd, lumj diegsien nei; banhaemh, gwnz dah giet caengz nae mbanjmbi' mbi he, daij giz gyaue muengh bae, couh lumj gaiq gingq he, youq laj ronghndwen ciuq hausagsag, wenj-myagmyag.

Diuz dah iq gyaunde ranzmbanj gou, hwnzngoengz lae mbouj dingz, hawj vunz ranzmbanj gou daiq daeuz vaiqvued, daiq daeuz hoenghwhdwd.

(指导老师:罗丽娜)

Daxmeh gou miz doiq fwngz lingzgiuj ndeu, fwngz de yienznaeuz mbouj ndei yawj, danhseih gou roxnyinh fwngz daxmeh gou dwg gaiq fwngz gwnz seiqgyaiq cei raeujrub ndeu.

Geiq ndaej miz ngoenz ndeu, dienheiq nit raixcaix, gou cingq ninz youq ndaw congz, sawqmwh henz rwz cienz daeuz sing daxmeh saeg buh, gou ninz mbouj ndaek lo, couh hwnq congz, byaij ok rug daeuz, gou raen daxmeh cingq youq laj suiylungzdouz saeg buh, doiq fwngz de hoengzau. Gou muengz dwk heuh: "Daxmeh, nit lai lo, mwngz sien yietnaiq yaep he ba!" Daxmeh naeuz: "Mbouj youq-

gaenj, yaep he couh saeg liux lo." Gangj sat, daxmeh youh laebdaeb saeg buh lo. Raen daengz doiq fwngz daxmeh deng raemxgyoet cimq dwk hoengzau, gou gig sim'in.

Gaiqfwngz daxmeh gig naengz-gang, mboujdanh aeu buh saeg ndaej seuqsaksak, vanzlij rox nyibbuh, san

buhlaengj. Gou miz geu buhlaengj ndeu, gwnz buh san miz aencouh gou, neix couhdwg daxmeh seuj hwnjbae, gou gig gyaue geu buhlaengj haenx, ciengzciengz daenj de, gou roxnyinh raeujrub dangqmaz.

Daxmeh yungh doiq fwngz de ciengx gou hung, son gou baenzlawz

Gaiqfwngz Daxmeh

母亲的手

环江思恩镇西南小学六年级 罗秋范

Gangjgyaq

讲价

环江思恩镇人和小学六年级 韦峯俊

Moix baez bae cawx doxgaiq, gou cungj cangguh bauxmizcienz, cam gyaqcienz le couh mbon ngaenz cawx, raen daengz bauxgai caeg riu, ndawsim mingz rox gyaqcienz heuh sang lo, hoeng couh cuengq mbouj roengz danaj swheij, cijndaej mbaetsing ndwnjheiq, hawj vunz seizbienh gwn.

Miz baez ndeu cawx doxgaiq, gou roxnyinh mbouj gangjgyaq vei lai lo. Yienghneix couh siengj daengz gangjgyaq lo.

Youq gwnz bouqdan, gou raen miz haujlai soujbyauj gig ndei, yienghceij caemh hab' ei, couh siengj cawx, yawj gyaqcienz — 88 maenz, mbouj bengz, naengz souh ndaej, ndawsim cingq buenzsuenq, sawqmwh dingqnyi miz vunz cam: "Siuj baengzyoux, mwngz siengj cawx lwi?" Dwg lauxbanj cam gou. "Gou, gou, gou yawjyawj, gojyij cienh di lwi?" "Mwngz aeu couh 80 maenz."

"Lauxbanj, lij noix lwi? Mwngz yawj gij byaujdai, gij bien gim....." Gou caenhliengh gangj gij mbouj ndei aenbyauj, gyaqcienz youh at daengz 70 maenz lo. Cawx lwi? Gou youq ndawsim cam swheij. Caengz cawx, caiq gangjgangj gyaq. "Lauxbanj, 66 maenz ndaej lwi? Mwngz yawj gou dwg hagseng, bohme ra cienz mbouj yungzheih....." Gou cingq gangj mbouj dingz, lauxbanj mbouj naihsim lo, naeuz: "66 maenz couh 66 maenz!"

Gou ra ndaej soujbyauj habsik, gyau cienz le, byaij ok bouqdan. Cingq youq seizhaenx, baihlaeng gou cienz daeuz coenz vah lauxbanj ndeu: "Caen boiqfug baux hagseng neix." Gou sawqmwh naj hoengzfwdfwd. lauxbanj yawj ok gou mbouj ndei eiqsei, riu naeuz: "Mwngz gaej mbouj ndei eiqsei, gangjgyaq youh mbouj dwg raen mbouj ndaej vunz, bauxgai hai ndaej gyaq, mwngz couh vanz ndaej gyaq."

Lauxbanj gangj gij vah neix gig deng, caen dwg bw, gaxgonq gou cawx doxgaiq baenzlawz mbouj gangjgyaq ne?

(指导老师:陆春梅)



guh vunz, gou yaek roengzrengz doegsaw, yungh cingzceik ndei daeuz bauqdap daxmeh.

(指导老师:罗凤)